

"بلال محمد بديع" يكتب : "قبل النهارده من سنة"



الأحد 17 أغسطس 2014 12:08 م

كتب - بلال محمد بديع - نجل فضيلة المرشد العام، عبر فيس بوك :

قبل النهارده من سنة ..
كان وسطنا ...
كانت ضحكته تملأ حياتنا بالبهجة ..
حتى و ماهوآش جنبنا !!!
كنا بنزعل منه .. إكمته بيغيب عنا كثير ..!!
دلوقت بس فهمنا .. إنها كانت "بروفة" لغيابه الكبير !!!

* * *

قبل النهارده من سنة ..
كان في مكالمة كل يوم ..
مكالمة بتزيح الهموم ...
يشكي لي هقه ... و أعمل أنا فيها بطل و ما اشتكيش !!!
و أقول له - بحكمة مصطنعة -
هوه انتا فاكّر حد في الدنيا دي مش مهموم ؟!!
صدّقني يا ابن والدي ما فيش !!!
دلوقتي سابني أدور على أي حد أشكي له هقي و ما التقيش !!
بس اكتشفت إن كل هموم الدنيا .. من بعد فقده .. ما تساويش !!!

* * *

قبل النهارده من سنة ..
كان ممكن أتخاف معاها !!
و يزيد خناقنا و يوصل الزعل ما بيننا لمنتهاه !!
بس أها بييجي ويصالحني كان يختفي كل الزعل .. ولا شغل الحواة !!!
دلوقتي مابقيتش لاقى أي حاجة في الدنيا دي تستاهل الخناق !!
حتى الخناق أصبح مالوهش طعم من بعد الفراق !!!!

* * *

زي النهارده من سنة ...
عاش هوه
بس احنا متنا كلنا !!!